

晚晴移詩匯

晚晴簃詩匯卷六十二目錄

高斌 二首

楊廷璋 二首

李世倬 一首

陳履平 一首

謝重輝 十五首

于熙學 一首

梁錫珩 二首

唐英 二首

陳宗石 一首

張霽 五首

柏格 一首

諾岷 一首

朱綱 一首

薩哈岱 八首

施世驃 一首

述明 三首

拉敏 一首

訥爾樸 二首

珠亮 一首

明泰 五首

賈樸 二首

王元樞 三首

金南鏌 一首

張學林 一首

孫元衡 七首

鮑鈇 七首

余國檣 一首

賽音布 六首

胡星阿 四首

關舒 一首

峻德 四首

額爾登萼 一首

唐芳第 二首

趙念曾 二首

王郊 一首

朱永齡 二首

顏肇維 二首

林禱 三首

劉紹攷 三首

夏熙臣 二首

趙思植 二首

王世芳 二首

徐基 一首

劉翼明 五首

楊名鱣 一首

朱緯 二首

沈甯遠 四首

左世瑞 一首

晚晴移詩匯卷六十二

徐世昌

高斌字右文號東軒滿洲旗人由內務府主事官至文淵閣大學士改大學士銜管江南河道總督贈內大臣銜諡文定有固哉草亭詩

秋日薊門道上口占

秋山行近薊門東煙樹蒼茫葉漸紅
愛煞雲巖如畫裏卻忘我在畫圖中

子夜

深山鑑影伴坐久夜初分窗掛藤蘿月
檐棲檜嶺雲鐘聲林外度天籟靜
中間此際層樓上鑪香細細焚

楊廷璋字奉我號玉亭漢軍旗人世襲佐領由筆帖式

官至體仁閣大學士刑部尙書贈太子太保諡勤懃
有玉亭餘集

南郡多熱冬月桃花盛開詠此以誌物候之不齊云
十月桃花鬪嶺梅天紅點點爲誰開瘴天漏泄春光早荒
服炎蒸造化回酒暈玉腮香淡蕩月明珠箔影徘徊劉郎
幾度迷仙徑卻向三冬自翦裁

和新柳元韻

條風輕蕩漾弱柳不勝春會見成陰日能忘種柳人曉鶯
眠未穩淺黛雨初勻且喜垂新綠盈盈不染塵

李世倬字漢章號穀齋漢軍旗人歷官副都御史

詩話穀齋且園甥其畫不以指以
筆山水人物花鳥果品各極其妙

題畫

亂山深處黃茅屋活水灣頭白板橋但得人來常問字劇
勝蓑笠溷漁樵

陳履平字勉夫商邱人監生歷官右通政有南原詩藁
東阿道中

犖磽東阿道疲驢策不前亂峯圍落日野水浸遙天林閃
孤村火雲深古寺煙遙聞鐘梵動欲借上方眠

謝重輝字方山德州人官刑部郎中有杏村詩集

王漁洋曰去膺存骨去枝葉存老幹真賞甚稀存之
篋中以待元次山杜清碧其人相賞於茲指之外

沈歸愚曰此部詩學陶公未極自然而言
趣已高擺脫塵塗真樸處殊近儲太祝

詩話方山與山山薑馮大木同鄉里詩名不及二人
之煊赫然意境高淡五言田園詩最擅勝場七言近
體跌宕清新皆超然塵表集中多載漁洋評
語盛致推挹在國初山左詩人中足據一席

東臬

投種須及時大率穀雨前良農知時節夙駕來中田倉庚
鳴向我翔集立南阡似謂耕耨苦勸我暫息肩浮雲從北
來細雨潤前川富足雖未期飽食鹿終年

桑

我昔聞諸葛園林徧種桑吾宅纔五畝牆下亦成行不愛
樵子垂愛此遠枝揚濃陰日夕佳常在吾廬旁五岳老難
游對此可徜徉鳴鳩忽高飛三嗅入斜陽

萱草

老去恆內省不懼兼不憂閒種萱草花時得覽芳柔曉看
迎露放暮看逐風收纔茲旦暮閒已如四運周孰云忘憂
草遇目轉添愁不如忘形骸任彼歲月流

郭中丞枉駕北園

中丞小駟造巖荆問柳穿脰到草亭荒徑經時園鳥看胡
牀談舊野人聽蒼生原未忘安石白帽無煩羨管甯地僻
郊遐人跡少何期忽覩少微星

歲暮絕句

小槽新壓勝流霞斟酌雞鍾酒浪斜漫笑醉餘無箇事膽
瓶親插水仙花

映階殘雪尙輝光一笑柴門掩夕陽屋角梅花爭破臘夜
闌消受下風香

攤書卓午紙窗明遣興新詩又早成賣卻巾車贏歲事深
居不用歎徒行

四壁殘鐙一樂窩蕭然獨坐鬢成皤較量故舊無多在休
怪門前有雀羅

適野

適野聽鳴禽輕策冒朝旭怡然接春暉遂縱千里目迢迢
東皋田蔥蔥北林木黃鳥忽中出交交相追逐側耳慰好
音輕風吹初服迴顧田舍人農書老猶讀無怪沮溺輩經
年事耕牧我欲叩其端白雲掩茅屋

中庭

綠陰不須期日出臨戶牖空翠侵衣襟坐來徧左右夏屋
匪我存而況貴與富但收十斛麥易酒招親舊禮失求諸
野無甯理籩豆相逢爭席罷便譚桑麻茂依依情旣眞留
連惟卜晝可憐世上人斯樂誰能究

春來

春來何所事依然耽琴書親昵稀來往人事欣無餘我身

既暇嬾我性日益疏時從池上酌往往臨清渠春山到眼
前好風徧庭除碧柳漸覆井蒼松鬱不舒時鳥解人憐相
向各自如因之坐松下日暮傾一壺

王子干過訪

汝貌驚如此吾衰復若何梳頭憐白髮裹足避青莎故友
貽書少新知下石多幽棲正愁絕喜見子猷過

過大木宅有感

風掩蓬門舊宅荒就中何處最淒涼停車不見吟紅藥駐
馬惟看種白楊棟宇凋殘嗟向秀圖書零落感文昌可憐
滿篋雕龍賦未得生前動漢皇

夏日偶至山薑村因過漁唱軒尋造蒙齋侍郎墓次

感舊述事

柳老鶯殘打麥時
望中院落起人思
蕭閒山館沈蛛網
曲折迴廊上兔絲
撫景不堪長戀戀
感知聊爲去遲遲
回頭勝跡今成夢
叨喝何因共一卮

丈四高墳宿草深
初栽松柏已成陰
豐碑頗悉生前誓
墓微微死後心
雄辨思來猶約略
風儀無計可追尋
三年留得生芻在
腹痛誰知忍到今

于熙學字無學號秋溟文登人諸生官工部郎中有鐵槎漫語

初冬

老屋三間向水開
野禾收盡又冬來
溪雲釀雪濃兼雨
圍樹當風殷似雷
落雁聲中沽酒去
寒山影裏抱琴回
何人寂寞能相識
大半心情付早梅

梁錫珩字楚白號深山介休人諸生候選郎中有非水

舟遺集

客中九日登高

未倦登臨興其如客感生候逢黃菊節人在白登城野曠
寒山色樓高急樹聲誰知雲裏雁先我竟南行

送顧秀野南歸和留別韻

淮南叢桂長新枝趁可歸與意在斯去雁影低秋水外暮
蟬聲曳夕陽遲風流一散難爲別物色征行總入詩京洛
詞人零落盡騷壇管領更依誰

唐英字俊公一字叔子號蝸寄漢軍旗人歷官內務府
員外郎九江關監督有陶人心語

李穆堂曰俊公權兩淮復權九江珠山昌水見
之筆墨者爲多讀起蛟行見愛國愛民之心

詩話俊公審陽人隸內務府康熙時直養心殿雍正
初命佐年希堯監江西窯務任事逾三十年故以陶
人自況至今言景德御製者即延佐後以年窯丁觀
並稱撰陶治圖說二十篇進呈畫院孫祐周觀其象
鵬繪圖又刻陶成紀事碑備列燒造名件自寫其象
為陶成圖希堯作詩紀之兼推淮安九江調粵海關
次子寅保乾隆戊辰進士命以庶吉士銜往粵協理
逾年仍移九江重葺琵琶亭置筆視微過客賦詩時
目為風雅好事人語外尚謂其詩綽有清思不失雅
則江書畫陶人均云此行陶治賴成五卷今未見其
送吳堯圃之均州云此行陶治賴成五卷今未見其
國寶瑰瑤翠儻流傳搜物探書尋故老又云陶銘
一發天地秘神工鬼斧驚才雄文章制度雖各別以
今仿古將毋同蓋宋均窯亦仿於是時也近體如浮
梁晚歸云山暗殘霞歇江寒夜氣生沂州道中云一
天雨意寒重九滿路黃花接兗州題自畫清秋獨立
圖云東風喚處寫西風羞藉臙脂媚世工冷
卉獨禽濃淡筆春秋與會墨池中亦多可採

昌江夜泛過玉筍峯

浮梁西去昌江隈兩拳岌立江天開造物直自鴻濛闢神
工鬼斧驚奇材削出芙蓉雙蓓蕾稜收皴隱凝崔嵬女媧

失手落江滸嶙嶒激取蛟龍怒幾番欲攫夜光珠磯礮霹
靂隨風雨青山碧樹同春秋朗月明星照今古今古春秋
億萬年嶢嶢玉柱撐空天三百六十灘水惡狂瀾到此流
涓涓玉山不頽清流在米家長揖徒成顛莫將嵩岱藐拳
石海田縱變無移遷

起蛟行

起蛟起蛟天茫然好生好殺敢問天一蛟方生萬戶死江
左江右常若此蛟也幸矣民堪憐江邨溪堡填深淵蛟生
於天何功德民死於蛟何冤愆將欲殄惡彰天討洪濤誰
見分愚賢更謂民孽應浩劫狂蛟司命天無權天不見蒼
頭黔首蚩蚩子骨肉漂流一時死攀流觸浪命懸絲呼救
號天天不理縱使萬死漏一生廬舍田園空逝水今宵新

鬼昨宵人昨日富室今孤貧一草一木天生意忍驅赤子
飽髻鱗安得周處斬蛟劍徧搜谿谷窮涯津盡斬蛟頭掃
種孽狂瀾永盡無沈淪

陳宗石字子萬號寓園商邱籍宜興人由知縣歷官石
部主事有二峯山人詩集

詩話子萬爲定生少子明季定生與侯朝宗交善朝
宗以女妻子萬子萬年十四贅於侯遂改籍入國朝
仕爲安平令著循聲爲湯文正所薦能詩與伯兄其年才名相將

立夏後二日雨中答侯敷文見柬

氍毹柳絮春剛去細雨如絲綠欲流喜得故人新釀熟挑
燈相對竹窗幽

張霏字念藝號萃山撫甯人貢生官內閣中書有帆齋
逸稟晉史集欵乃書屋集綠豔亭集

詩話笨山門第華廡獨蕭然如寒素顏所居日帆齋
言無常處也與龍東溟爲神交詩有玉川之奇肆太
白之飄逸與黃仲則異曲同工

古相思辭

郎是天上雲隨風東西南北游妾是杯中水瀉地東西南
北流雲游去作何方雨水流但溼庭下土土生相思草恨
郎歸不早雨溼合歡花忘妾獨在家

晤贈姜西溟

直道存先輩真堪作史才北門艱一晤東海喜重來心事
春雲散聲華晚菊開高歌人莫測呼我上繁臺

汎溪

日落村邊路風涼溪上舟居人多草食釣叟幾羊裘一葉
平生志空江五月秋客星今寂寞煙水共誰游

春日雜詩

歲歲東海上殘春始見春閒吟夢草句老作看花人風雨
三沾水輪蹄十丈塵槎飛仙島近不問五陵津

抱甕園偕龍東溟李霖臣孫君選王野鶴作殘春詩
值馬大龕自都至

幾坐津頭春水船滔滔流水暮春天偶逢京國飄蓬客話
到山人種杏田積雨半庭雙海鶴浮雲千里一風鳶神仙
富貴都休問且醉桃花酒甕邊

柏格字又南號行園滿洲旗人官內閣中書有行園集
關山偶感

西風吹夕陰萬里鬱沈沈古戍荒城廢空山亂石深地寒
多見雪樹老不成林何爲幽并子長懷出塞心

諾岷字慶源號迂亭滿洲旗人官至山西巡撫

詩話迂亭平生重行義當官以清介稱撫晉奏請以耗羨歸公一時靜者甚多卒如其議

登岱

高以天爲限名標日觀雄尊崇首五岳典秩目三公剝影
雲端見鐘聲海上通何當凌絕頂懷抱一爲空

朱綱字子聰高唐人貢生官至福建巡撫贈兵部尙書
銜諡勤恪有蒼雪山房藁

曉起

曉風發曙光清冷徧郊野起來有宿醒昨飲盡三雅舊被
推牀頭羣雀亂檐下掃地苔滿砌軸簾松覆瓦回視插架
書取次手中把竹闌滴瀝聲尙有露珠瀉擾擾市囂起漸
聞走車馬

薩哈岱字魯望滿洲旗人廕生由主事官至福州將軍
有構亭詩藁

城西行

朝出城西門暮返城西路風送路旁塵春老門前樹行客
日紛紛來往無閒步何如抱甕人安居守寒素

搖動石

蚍蜉思撼樹螳螂奮當轍物情固不量物理亦難決峩峩
古田盤怪石森羅列小者狀磊然大者勢巉絕中峙蒼玉
根攬空嵐翠裂鬼鑿旁無痕神工下有楔縱使力拔山一
手誰能抉我來試撫搖動盪乃不輟未著祖龍鞭似聽生
公說對之聳奇觀令人欲擣舌幻象費揣摩靈蹤覩親切
返步下山椒夕陽半明滅

有女

東鄰有女似花枝十五盈盈學畫眉一朝嫁作貴人婦未
許尋常側目窺西家女比花枝好二十無媒成潦倒時時
對鏡起長歎只恐朱顏容易老吁嗟乎春發桃枝秋桂枝
遲早由來各有時

述懷

同儕俱不賤株守獨如何夜月聞雞舞秋風拔劍歌才原
憐我拙事已讓人多慚愧王章婦相依十載過

過友人村居

故人久不見相訪過前村流水溪邊路藏雲樹下門桑麻
新雨潤雞黍古風存擬卜誅茅地從君共避喧

寄懷漢三三兄

大被三年隔長征萬里賒葡萄愁處酒芍藥別時花上國
遙雲樹高城急鼓笳阿兄內顧好繼李輕車

歲暮感懷

天意寒將雪爭林雀亂唳孤懷傷歲暮小立倚樓西竹葉
違良友梅花憶故妻所思都不見愁與凍雲齊

西山道上

載得詩囊與酒籌爲乘高興一探秋葦殘斷岸寒鶩雁禾
熟荒田曉放牛野菊黃鋪橋畔路山楓紅抱寺邊樓龍潭
舊是登臨處不負西風續勝游

施世驃字文南漢軍旗人官至福建水師提督贈太子
少保諡勇果

詩話勇果繼襄壯專闢將門出將建節綏疆與藍
氏二襄毅勳名相頡頏皆能以韜略世其家者

滄墅晚眺

薄暮登樓眼山前落日斜晴雲低海角孤嶼迴天涯隱隱
靈巖鼓迢迢逐浪槎牧人歌犢背淒切入秋笳

述明字東瞻滿洲旗人歷官甘肅平涼鎮總兵有積翠
軒詩集

同友人吳南岐登道州城樓有懷

高閣峻嶒倚素秋興來攜客一遨游仙橋未斷人遙指冰
石無寒蹟尙留嶺樹平凌青漢迴巖峯遠並白雲浮元公
風韻遺濂水沁入瀟江派自流

秋日武岡南樓懷古

南樓高做碧霄懸極目平沙沒遠天濟水潺湲空日日野
禾離秀自年年仙家丹竈荒山裏勝國遺踪夕照前千古

低徊傷往事杜鵑嗁破早秋煙

塞外

五月猶飛雪三春未見花
炎風初解凍夏草漸萌芽
畫角寒聲迴旄頭白氣斜
樓蘭如未斬不敢顧身家

拉歌號雪窗滿洲旗人歷官散秩大臣

丁酉春日感題

隔歲遺愁在經春改舊容
世情催白髮老態倚蒼筇
門靜無新客心空有暮鐘
百年成底事漫作蜜蜂

訥爾樸字拙菴滿洲旗人襲一等男有劃沙集

席竟送客過圖逸叟疏圃觀靜涵逸叟奔復共問亭

閱案頭說鈴日暮始歸

屐痕杖影亂斜陽相送無心出
短牆散步井牀苔徑滑觀

棋鄰圃柳陰涼客傷舊事裁新句我擬愁城築酒鄉回首
柴門分路處滿城雨氣正微茫

連兩次答方問亭

無端霪雨經旬阻倍覺淒清到客居徑碧痕猶殘蘚在裊
紅香漸落花如蓄鮮罷翦園中韭防溼閒移枕畔書淪茗
濡毫都不耐課童屋角種新蔬

珠亮字韜明滿洲旗人襲一等男有冷月山堂詩

山寺閒步

地僻景逾靜霜寒菊更幽閒階徐步處覽盡一庭秋遠岫
隨雲杳清泉帶月流微吟情不倦風物足淹留

明泰字曰乾號拙菴滿洲旗人由筆帖式歷官都察院

經歷有拙菴集

九日登山

歸雁背寒颺陽卉摧霜雪輟策登高岡張組酌嘉節誰言
酒一尊可解腸千結放眼足愁人感時易傷別風塵天地
暗故舊音書絕鄉關萬里遙斜日煙中滅

秋日東郊晚步

禾登野色寬葉落孤村冷山徑牛羊下柴門雞犬靜時有
暮歸人慙慙月中影

懷來遇雨

颯颯來涼吹濃陰去徑迷煙橫高樹斷雨壓遠村低斜日
明山外歸雲過水西遙知城市近風定乍聞雞

秋村

旅雁湖天足稻梁薄寒終日據匡牀薜蘿月小門深掩蟋

蟀聲多夜乍長到處田塍收稼穡誰家碓杵搗衣裳先生
那有經秋計只對黃花略舉觴

仲春漫成絕句

芳草依依沒舊痕望中新柳識山村餘寒任在東風裏燕
子來時不閉門

賈樸字素庵號慎旃又號宜村故城人貢生歷官江南

蘇松常鎮太糧儲道參政兼蘇州知府

詩話素庵初官思明同知攝思恩府田州岑氏母子
爭政素庵諭解之士目陸師等謀爲亂素庵單騎諭
降境內赦定修明庶政民以大和後知蘇州屏請託
絕苞苴以廉平爲治聖祖南巡知其賢擢江常鎮
道蘇州民集數千人持黃幟具疏遮道乞留乃命移
領糧儲仍兼知蘇州從民願也素庵有詩曰一瓢酌
吳水仰答天家恩及爲總督嚙禮劾罷歸里景州知
州周鉞爲顏其別墅曰惟飲吳水見者以爲紀實
別徐郎子昆季同學

二徐瀟灑顧空羣屈宋清華班馬薰此後蠻煙繚繞處也
應重憶舊論文

文字數行千載期麗江晨夕少人知而今話別添惆悵翻
恨與君相遇遲

王元樞字斗南號書門濟甯人由知縣歷官廣東海南
兵備道有書門山人詩

九日游嶧山入洞過石梁登自山最高頂

嶧峯巖嵯峩秋磴紆迴互履節展高興呼侶逐幽步魚貫
下曲竇猱攀凌窄路沈入杳晝冥漸出豁天曙巨石忽砢
砢夾谿相牴牾飛梁懸千仞微命爭一度過險悔輕蹈定
性卻重怖默默立巉巖遙遙肆指顧感秦失樂石愴紀餘
荒墓

山上有
紀王墓

興廢由化遷年壽誰云固安得偕雲車長與

列風御何必采茱萸
褰裳溼寒露

太白樓

秋色圍城郭高樓盡一攀
塵連原上樹村帶雨中山
我憶孤臣迹時看落日閒
可憐大河水不舍下長灣

怡園

寂寞金谷舊空庭容我過
如何喬木裏偏是冷雲多
花氣沈秋水山光動女蘿
珠簾猶未捲夜夜想笙歌

金南鏌字夏聲平湖人拔貢
歷官陝西鹽驛道

詩話夏聲初以部郎監南新中
南二倉出入有法高安朱文端
以清慎薦累遷至監事許年
羹堯爲所劾罷羹堯被譴爲罪
狀之一夏聲家居尚風雅沈
客子輯構李詩繫獨任制剛
存鄉州文獻

贈呂雨村巖使猶龍

河東後裔五作相
文安代興美寅亮
華嶽鍾靈毓大賢
董

巖復爾臨湖上經文緯武莫與倫雙鹿夾轂豹爲茵畫戟
半籠紅玳瑁花槽都束翠麒麟緇衣之宜雅好士案牘餘
閒訂經史賞心豈肯涉點塵促膝時聞疏奧旨廡西新闢
亭三楹翛翛竹色攢空青壽母板輿御春日至樂何減登
蓬瀛公爲天子東南鎮十七郡人賴憂軫行將丹詔入黃
扉指揮庶績皆平允湖涯賤子舊生徒十年枯坐據槁梧
蠡瓢耐可探玉海蓬心猶許對冰壺此中真意世莫識惟
有香風吹赤舄大廈旻幘構萬開懷恩不獨平原客

張學林字念耕號圖東丹徒人諸生歷官河南河陝汝
道有圖東學詩

曉發口占

又復衝寒去雞聲引鐸聲暗塵人跡起殘雪馬頭明裘傲

猶堪戀裝輕不礙行歲華甯足歎辛苦是平生

孫元衡字湘南桐城人貢生歷官東昌知府有赤嵌集

片石園藁

詩話湖南循吏工詩赤嵌集乃官臺灣郡丞時所作
奇情壯采頗足稱其山川有裸人叢笑篇十五首紀
番俗詭異不失古意七言如春興云墟雲晚日千金
縷腹海邊天兩碧環述懷云流光淡岩同駁室氣味
酸寒似橘官寫景言情達所難達不同浮響片石園
藁未見四庫存目亦僅收赤嵌集一種恐餘已散佚
矣

除臺灣郡丞客以海圖見遺漫賦一篇寄諸同學

中原十五州無地託我足銜命荷蘭國峭帆截海腹披茲
瀛壖圖島嶼紛可矚回身指南斗東西日月浴颶風怒有
聲駭浪堆篷幅滌汔終古心濱養萬里目毫釐晰舟輿稊
米辨巖谷道奔裸體入市莽連雲竹覽者曉生芒聞之肌

起粟寄語平生親將毋盡一哭

乙酉三月十七夜渡海遇颶天曉覓澎湖不得回西

北帆屢瀕於危作歌以紀其事

羲和鞭日日已西金門理檝烏鵲棲滿張雲帆夜濟海天
吳鎮靜無纖翳東方蟾蜍照顏色高低萬頃黃琉璃飛廉
倏來海若怒積颶鼓銳喧鯨鯢南箕簸揚北斗亂馬銜罔
象隨蛟犀暴駭鏗旬兩耳裂金甲格鬪交鼓輦倒懸不解
雲動席宛有異物來訶詆伏臄僮僕嘔欲死膽汁厯盡攣
腰臍長夜漫漫半人鬼舵樓一唱疑天雞阿班眩暈痠筋
力出海環琰頻難稽海船內稱望遠者爲阿班舟師爲出海不見澎湖見飛
鳥鳥飛已沒山轉迷旁羅子午晷度錯陷身異域同酸嘶
况聞北嶠沙似鐵誤爾觸之爲粉齏回帆北向豈得已失

所猶作中原泥浪鋒春漢鶴首立下漩渦白高梳低怒濤
內濺頂踵溼悔不脫殼爲鳧鷖此事但蒙神鬼力窅然大
地真浮穉翠華南幸公卿集從臣舊識咸金闈挂冠神武
蹤已邁願乞骸骨還山谿讀書有兒織有妻春深煙雨把
鋤犁

晚眺

他鄉莫望遠獨立况黃昏落日鎔天海歸舟刺島壘鷓鴣
無緩翦魚虎不空翻此際忘機者心情孰與論

重陽日小憩下茄冬社

竹翠山光撲面來欲酬佳節在深杯白衣那遣文身著黃
菊毋勞絕域開已慣風多頻落帽不因鄉遠罷登臺漫言
此地無鴻雁省卻遼天一段哀

日入行

赤嵌東山高萬丈金方溟漲天爲池羲和駕馭火鞭疾霞
車虹靺來何遲未盱登臺望蒙谷虞泉下掬臨崦岵是日
天海明無翳冉冉崇蓋觀西馳火輪漸低光轉近與海鱗
甲交離離初沒半輪如合璧神芒百道兼千絲驪珠既墮
萍實隱九瀛化冶金鎔時跋烏戢翼不我與燭龍低首焉
能爲陽氣接戍便灰死喻矇眈曖徒透池巨浪翻光忽騰
沸萬烽並舉邊人疑鎗鈇豁聞舒長影爚爚震震焚其達
烈燄烘雲煩煅鍊洪鑪煮海還蒸炊佛國明鐙不知夜神
邱火穴良可窺粲粲應符再中瑞輝輝擬見連珠奇空中
長繩逝欲輓河上杖策行當追戈揮三舍戰未已射落九
馭蘇來隨西隅白虎其宿昴功成宜退胡相稽長留山頭

少暉語天目未閉諸神嬉佇立荒臺蓮漏下燐煙滅盡星
光垂憶昔山東登日觀峯頭道士能狂癡天雞一唱呼我
起巖巒遠接扶桑枝金柱紅盆耀溟渤三山隱見浮蛟螭
大地光明杳何極夢魂往往親重曦焉知落拓滄洲外斷
蓬卻逐西傾葵生死浮沈吁可怪寸心炯炯無人知

紅夷劍歌

海潮迅瀆千丈波寶劍出匣悲風多劍身三尺菖蒲葉文
成蚪蚪星辰羅耿耿光明拖正練潢潢氣勢翻長河繞膝
柔如弓抱月錚然脫手鏘鳴珂壯士斫石迸陰火應聲解
物無延俄寒鐙照夜老蛟泣冷雨入屋神龍歌長鬚遺民
向我說兒時喪亂淪於倭長厯荷蘭諸絕國酷嗜長劍情
靡他蕃禁例同盜神器得此逋竄遭蹉跎渡海中流鬼物

此身兼言世久之二一
奪雷公雷母頻搗訶歸向中原迺拂拭照見頭髮霜爲皤
良工導我開生面千金裝飾十年磨佩之邪心除已盡世
人不敢輕摩挲我有墨兵久不用覩此神物心平和願見
聖人舞干羽喜逢宇內銷兵戈遺民掀髯發長嘯太平對
此將如何萬事不平今已矣掉頭蹈海雙滂沲

澎湖

七十二嶼稱澎湖滄溟萬里開荒塗嶼嶼盤紆互鉤帶洪
波割據成方隅東西二吉門戶壯將軍之澳爲中區雄師
鎮壓馬宮汎天然犄角中邦無其餘賦形非一狀紛陳簠
簋兼盤孟蛟蛇拳曲龍隱見獅象蹲踞僧跏趺諸流回瀆
舟難入逆帆欲泊輿嗟吁百折終成觸礁勢狂瀾反走如
亡逋有時無風水澄鏡咫尺膠固誰能逾巨舸理不任篙

機束手待敵甘爲俘汪洋指南爭此土既到往往遭艱虞
昔日王師事征討神兵彷彿前馳驅風摧火滅甘泉沸降
幡夜出臺山陬制府謀成輸百萬冠軍一戰真良圖事關
正統豈微細封賞有間傳聞殊榜人維舟汲清水蹶蹶到
頂招吾徒黑鐵崩崖潮欲縮黃沙古磧鹽爲汗蠓島峯巒
咸破碎鳧疊草木原焦枯大海東流無底極振衣一嘯心
踟躕

鮑鈐字西岡又字冠亭號辛浦又號待翁又號夢庵居
士漢軍旗人貢生歷官嘉興海防同知有道映堂詩

編

王德甫曰辛浦詩宗法新城豐贍流麗自然合度隨
手脫囊卽自書之以付雕工或曰更無待於論定卽
辛浦笑且歎曰吾老矣而無子漫爲之亦漫存
之耳或曰是定可以免長吉中表之累者也

詩語辛浦國初大學士承先曾孫初爲詩其師何潔
堂授以淵明子美太白東坡四集後泛覽各家於近
人尤愛漁洋康熙乙未初知長興時李敏達督浙治
尚綜覈謂湖守曰長興令日賦詩吾將列入彈事守
謝曰當令改之退而戒辛浦辛浦賦詩如故然邑中
百事修舉百姓頌之李徐察之亦不怒也居四年罷
去有長興集三卷及再莅相距十二年矣有後長興
集三卷卒時先以書與全謝山曰一生偃蹇惟操履
粗堪自信吟詠聊以自娛
惟先生憐之謝山爲作傳

夾山竹林寺

谿衍通積翠一徑抱幽岑
白日下松杪清風滿竹林
山空寄奴跡泉響戴暝琴
茶話忘歸去滄江暮靄深

張文獻公祠

唐相經營地靈祠灌木圍笏囊
人共羨羽扇恨偏違望祭
神鴉集焚香海燕飛千秋金鑑錄
風度想依稀

惶恐灘

江霧失山曉乾坤一混茫高灘荻苗冷微雨豆花涼牛馬
渺難辨魚龍深自藏不須說惶恐前度已神傷

宿棲賢寺

三日游廬南徧歷諸古寺雖未造其巔亦頗稱快意棲賢
劇幽遐李渤讀書地五老翼然臨石人

俱峯名

宛相企秋深

葉綴紅林密煙含翠坐卧雲遶衣溪聲裂檐際冰霜冷衾
稠鐘磬清夢寐凌晨禮世尊一探珠閣祕老僧啟塔函示
我佛舍利玉瓶托金盤光芒駭魘魅日精與月華不可以
思議膜拜袒右肩白椎參妙義我抱禽向情未脫周何累
每就方外游依依不能置何時遂初心料理出世事作佛
似可圖勇邁何驃騎

春日有事學宮同馮校官登尊經閣次日雨中奉寄

春陰日日涵朝暉山城睥睨如重圍
怱怱已過二月半暝風撲鼻香馥馥
訟牒臺符厭遮眼賞心樂事殊疏稀
偶爾閒過矍相圃廣文館靜忘塵機
梓紅主人最心契馮有梓紅亭
舟旋無厭相依依踏閣攀林興不淺
憑陵百尺窮纖微五峯綿延互鉤帶
長松野竹連漁磯溪水韡紋蘸新柳
梨花傅粉桃施緋指顧胸眸坐開豁
如蠶出繭馬脫鞵俄晷留連日卓午
歸來逸興猶遄飛懊惱春工裂風景
昨朝物態今全非無事垂簾聽疏雨
陌頭狼籍愁芳菲數盜幽蘭作清供
思君閉戶摩編韋五經紛紛較同異
門生藍輿應多違擬從漁父借龍具
五湖長往毋庸歸

范忠貞公祠

當年閩海見傳烽犀兕空多棄甲重
大節並推顏魯國孤

忠直繼段司農碑題峴首留殘劫世握兵符踵舊封萬古
南雷同廟食堂堂授命盡從容

曉坐還元閣望漁洋山

僧樓借牀眠宵殘聽粥鼓清盥據梧坐山翠飛入戶夙慕
漁洋名常如夢天姥夜來看不足朝窗笏更挂宛將螺子
黛鏡中畫眉娥法華雖附麗卑之奚足數憶昔王尙書好
事魯掠取至今竟屬公湖山號宗主臂諸冶城墩風流擅
千古自來稱王謝後先堪接武平山一瓣香敬爲先生許
典型猶在望蒼茫雲縷縷

余國樞字郇長號雲樵大冶人諸生官同知

集曲雲別業

遠市人聲絕幾家雙樹西看花同蜨過怯暑逐風棲景落

庭空靜心孤鴉自嘯晚樵林際出相喚浴晴溪

賽音布字九如號岸亭滿洲旗人官吏部筆帖式改步
軍校有宜園集遡源堂詩

贈別沈方舟

浮雲隨天風聚散不可常越鳥東南飛誰能忘故鄉命酒
結歡娛晤言心徬徨會合人自好離別人自老仰瞻雙飛
翼頽頽向晴昊

野店

暝色帶行旅一鏡方照門黑沈關塞路孤著別離魂溪月
射梁白山風吹樹喧客心與寒鳥忽忽欲飛翻

秋日過萬楓莊

愁能花處失病每酒邊強杖策遽甯惜扶兒醉不妨閒雲

歸有處野鳥下無方尙憶陶彭澤生涯盡一觴

重陽後一日獨酌

朋賞一時盡寒花不改芳老夫能復醉今日亦重陽滄海
風波闊青雲鬢髮蒼蕭然安退路三徑意何長

秋郊

犬吠茅茨見掩扉數家村落澹斜暉寒生絕塞征鴻急秋
入平原獵馬肥野火遠搖荒堡動水雲低傍禁城飛薊門
自古風霜早八月蕭蕭木葉稀

早秋有客過訪村居

湖天高卧動經年酌客高吟桂樹篇有地漫開徵士徑無
家聊種故侯田蒹葭玉笛秋雲遠埤垵金笳暮景懸碧草
錦湍明石路杖藜相送出墟煙

胡星阿字紫鋒滿洲旗人諸生官戶部筆帖式有春蕪
稟

小樓

銀河欲墜花影溼小樓夜半東風入繡簾捲斷金鳳凰玉
人獨抱涼蟾泣瑣窗往來雲氣旋雙成駕龍出紫煙粉蛾
空老屏風邊有石莫補離恨天

瞻雲街

瞻雲街左舊人家望斷春風去路賒一自倚簾吹柳絮至
今和雨夢梨花層軒綺月拋紅豆苦竹江煙怨綠華瑤草
玉沙仙洞晚小桃空落半溪霞

瑤窗屈曲倚崇阿金染斜陽碧染莎簾幙曉寒鳩雨細池
塘春靜燕泥多桂旌冉冉迷湘竹蓮步盈盈隔漢波爲問

畫樓西畔路花香月色近如何

樓上

樓上銀河凍不流後房圓帳鸚鵡裘紅欄碧樹寒相倚露
索煙鈴語未休楓峽曉雲神女去芝田殘月魏王游金蟾
暉穩桑枝暗花霧空成一夜愁

關舒字泰叔滿洲旗人官翰林院筆帖式有坦菴遺藁

詩話泰叔與弟觀寶惟善皆工詩
自相師友不求貴仕爲時論所推

閒居

無才甘放棄身世已蹉跎築室山花滿應門水鳥多塞翁
殊不爾蕉鹿竟如何咄咄千年事行吟一曲歌

峻德字克明號慎齋滿洲旗人官戶部筆帖式

詩話慎齋諸生時卽以文名詩才敏麗落筆成篇與
保雨村胡紫鋒卓謨菴輩相酬唱時稱爲農曹七子

飛帛澗

我昔登此山山中覘泉脈有澗如疋練高挂倚天壁劈開
萬仞青直走一痕碧炎天雪霰飛晴日冰雹射今來值時
旱深山愆雨澤又聞龍用壯攬碎蒼巖石此澗爲壅塞滴
瀝只微液無復舊時觀苔存水流迹時有松鼠來就飲足
踟躕風吹墜松花鼠驚竄崖隙安得三日霖復見泉百尺
清夜對彈琴山月照虛白

立秋前一日有懷大鉢子

明日屆商序怒焉懷在懷微風動高葉殘雨墮空階往事
不堪問孤情孰與偕吾宗念之子高詠坐秋齋

懷佟咸亨使杭

一自輕帆挂早潮武林煙月夢迢迢不知紅藕花開日船

泊西湖第幾橋

望潼關

立馬風陵望漢關三峯高出白雲間西來一曲崑崙水劃
斷中條太華山

額爾登萼字思胥滿洲旗人官都察院筆帖式有廢村
詩藁

立秋日陶然亭卽事

郭門迢遞寺嵯峨落葉聲中載酒過地迴方知秋色早亭
幽倍覺好風多林梢斜日開青嶂檻外游人踏綠莎絕勝
西園耽雅集幾回鳥語雜笙歌

唐芳第字睿玉號綺園會稽人貢生議敘通判有江甌
集

詩話綺園家貧性孝奉母至京師合肥李相國聞其名延爲子師供事實錄館議敘通判因母老不謁選因頓以終病中盡焚其著作逾月逝

世惟江蘇集先已刊行得存其概

洞房曲

輓金屈戌開鴛鴦花符細字呼徐娘綠雲半墮蓮花妝鴉
鬢十五攜履箱琵琶百轉春漏長嬌歌欲遞遲龍香臨筵
催賜青雀觴海棠滴露低紅芳流蘇壓鉤金鏘鏘銅球宛
轉添都梁殢人緩緩收鳴璫花枝故惱東風狂銀屏疊疊
遮瑣窗長夜遼遼天未央橫嬌妒寵誰能望春光不到鬪
風房

三弟久客歷下詩以招之

裂帛書離字齊東寄旅人可憐池上草愁殺夢中春稚子
飢寒色慈闈老病身平原雖愛客莫更久風塵

趙念曾字根矩號漱陽德州人官澧州知州

華嚴庵

飯罷下高閣尋幽臨水扉石間亂流出樹裏一僧歸山鳥
怡人耳池花沾客衣那羅巖窟畔徙倚戀清暉

月夜獨步

涼夜泠泠露氣清疏簾竹簟月三更滿庭樹影無人語惟
有蟲聲草際鳴

王郊字欲野祥符人貢生由訓導歷官臨海知縣有臨
海集

詩話欲野少時隨宦贛南師易堂魏叔子令臨海十
五年多惠績嘗以獄疑獄與郡守爭以營兵占羨婦
田又與鎮將忤及臺灣用兵坐乏軍興罷歸李敏達
爲跡請復官力請歸田不復出非惟循吏抑且介士
贈友人

庭梧暫寄一枝輕劇飲休歌戴笠行人事到頭同水月世
情滿眼只簪纓花開誰料能爲蜜絮落何堪又作萍緜嶺
吹笙音未遠好偕安叟話蓬瀛

朱永齡字眉子號待園單縣人官富陽知縣有待園遺

編

野望

鄉關祇在暮雲西草色連天望不迷去住何勞問著蔡綠
楊風裏杜鵑呢

顏肇維字次雷晚號紅亭老人曲阜人貢生官臨海知

縣有鍾水堂集賦莎齋橐漫翁編年橐

詩話次雷所與游如燁陽李克敬厯下王萃等皆
當時名士作令浙東不廢吟詠詩學南宋諸家

太行山

老松風折半千畫黃葉霜含秋史詩山過孟門成二妙不
禁勒馬看多時

海門雨中望海

海勢如湧碧天地旋不流冒雨登海門但見白氣浮遠望
天如坼蒼蒼別一州疑墮煙霧中卑雲腳下稠昨日郡城
出鳴榔半夜至誰識百川長三江匯於是設險備倭人百
里門庭地在昔嘉靖時番舶事初乖波臣蓄逆謀滄溟變
塵埃元戎出山左時推張韓才一戰浙水殷風吹畫角哀
地是蜃蛤居宰今顏氏子柵浦與桃渚生男多在水走利
最輕捷性命蹶泔裏麥秀苗蘄蘄養生惟魚鹽南通閩與
粵粳米轉雲帆大牙舊相制分隸事誠難有兵可以守有
田可以屯其頑亦易化詩書漸相循其居亦易定官吏如

至親腹裏不容臬環海盡王臣後來官茲土尙三復茲言
君不見臨海之山高崒律扶桑之國鮫人室長風萬里來
炎天上赤日噫噓兮海上陰晴不可必

林稭字素園號梅村濟甯人官武邑知縣有偶存草

留別轉菴和上

菜根滋味久能甘竹徑參差倚杖看白雀飛來雖是夢

轉菴

未第之前曾夢白雀數百飛繞其身後棄官爲僧卓錫白雀寺事亦奇異

青山占盡不爲貪一

窗花影焚香坐半榻松風抱月談雲散春江孤棹遠愁思

還結侶雲庵

贈顧工掄代父從軍

匹馬彎弓出塞門黃沙海霧自朝昏風霜鍊就奇男子爲

報君恩報父恩

年少從軍古所稀，凱旋仍舊著萊衣。自曾博得忠兼孝，常夢愁雲塞外飛。

劉紹攸字繼貢，號九畹，三原人。諸生官南充知縣。

詩話九畹篤學，工古文。王信芳侍郎督學關中，深賞之。以諸生薦授縣令，初宰什邛，復移南充，辭歸講學。授弟子撰關中人文傳述國朝諸先正學術行誼，頗備。

旅夜

玉露涼風急，蕭然動客情。迴廊留夜月，落葉颯寒更。夢短鄉心遠，庭空活火明。那堪歌九辯，萬里一孤檠。

灌縣

大江真作帶，半壁倚青山。山勢聯千嶂，江聲徹百蠻。鳥鳴紅樹裏，人在碧雲間。履險今方始，前行玉疊關。

昭化早發

牛頭山下傍山城，月照西窗促曉征。
雲水全迷歸客路，綠楊陰裏一舟橫。

夏熙臣字無易，孝感人。貢生官施州衛教授。有瓠尊山人詩集慕巖詩略。

施州衛寄所親

環衛皆君長，東南盡笮邛。
流官乘小駟，蠻婦織花寶刀劍。
生疇皆衣冠，列附庸不煩。
司馬檄尺土，亦王封。

高處厚先生信宿山中賦此卻寄

收拾看山眼，尋幽到敝廬。
以君一日長，贈我十年書。
天外孤雲合，雨中夜氣疏。
村醪剛半熟，不醉復何如。

趙思植字培元，山西太平人。官襄恆教諭。有四勿堂集。

讀宋史

驢背投閒學隱淪
薪王甯不憶君恩
忠臣業已成冤獄
大將從今合杜門
舉目烽煙空悵望
一腔悲憤向誰論
歸來浪跡西湖上
聊對溪山縱酒樽

幽居詠懷

幾年身住水雲灣
贏得浮生日日閒
隔斷俗塵青嶂外
飛來清景碧霄間
虛窗時啟邀明月
高閣頻登看遠山
除卻詩朋及酒侶
他人莫漫叩雙環

王世芳字徽德又字芝圃號南亭臨海人貢生官遂昌

訓導累賜國子監司業銜

詩話芝圃乾隆辛巳入都祝嘏實年九十有八予六
品服還遂昌任陳太僕兆崙有詩送之見紫竹山房
集越十年辛卯復入都奉恩旨賜詩加銜司業春官
領朝慈寧賜資甚夥太僕又次紀恩四詩韻送別謂
耿逆將曾養性之犯溫台君曾隨父殺賊少與齊次
風少宗伯之祖相善素精醫藥能活人繼配年亦九

十餘宋司業春圖集句贈云天子非常賜顏色先生有道出羲皇爲時所誦今錄其二詩以備掌故

南齋紀恩詩

建子星回斗轉寅居然一百十年春
灌花拭竹閒中課問水尋山物外身
擊壤但知歌帝力炷香惟有感蒼旻
桑榆筋骨還疆健歷數前因話劫塵

扶杖康衢識聖顏錦衣有賜詔頻頒
喜同野老迎鑾輅優許微臣列鷺班
身歷四朝沾浩浩眼看六代舞斑斕
赤城便擬蓬萊苑布鞵棕屨任往還

徐基字宗頊又字十峯號後坡江南華亭人貢生官蕭縣訓導有景蘇閣集句

雨後

雨洗東坡月色清溪邊委轡聽溪聲
仙心欲捉左元放大

草閒臨張伯英山下白雲橫匹素樹頭初日挂銅鉦人間
歧路知多少欲放扁舟取次行

劉翼明字子羽號鏡菴諸城人貢生官利津訓導有鏡

菴詩選

詩話子羽少以經世才自許喜交游讀書任俠久不
遇寢致貧老乃專其力於詩王漁洋謂子羽居瑯琊
臺下老而工詩嘗愛其句云桃花流水春開甕細雨斜風客到門

寄戴賓廷

攜手上營邱春水映春草別來復如何不信蒹葭老明月
生新潮白石嚙古道古道自漫漫秋水復浩浩

過重蘿山留別主人丁平之

桃源有路問羲皇題徧伊人薜荔牆宏景原非松不夢
輞川本以畫爲莊秋光到樹紅葉水氣浮山綠一行有客

何來逢細雨重陽連日作高陽

自渠邱同馬三如宿王申甫峒峪別業

南山深處問南村飢渴殘陽地主尊衣有神珠仍乞子路
迷芳草見王孫桃花流水春開甕細雨斜風客到門偏具
隱心無隱迹只將種果種仙根

琅邪絕頂懷渭清

地勢東南盡交情老大親山如華不注人念李于鱗滄海
懷君賦浮雲笑我真獨餘千古意空遠莫能陳

九日霞標山中得遇丁孟白共飲

風雨平生若可期每臨空谷益多悲三秋足念惟吾輩四
海何人見此時醉貌疑添楓葉色論心況對菊花枝愴然
設酌來句漏又起天邊萬里思

楊名鱣字季顯潼關人官清水訓導有今雨堂集

月夜聞雁示子安

還向瀟湘覓舊羣
月明清唳數聲聞
無棲莫比南飛鵲
衝破關山萬里雲

朱緯字義俶號夢村歷城人諸生官邱縣訓導有夢村集

山齋

美睡朝慵起荆扉
午未開雲閒不飛
去鳥倦卻歸來櫻
熟從人摘松疏擬
自栽簾垂清晝
水階上徧生苔

秋懷

高城畫角響西風
黃葉疏林已半空
午夜閒愁鐙影裏
滿懷涼思雨聲中
移山未可嗤愚父
失馬還應比塞翁
落拓

故人多似我相期九日一樽同

沈甯遠字寓巖海鹽人貢生官宣平訓導有寓巖詩藁

詠古

因必審可親古訓日星揭傾蓋乍交驩慎初簡賢哲出處
長依倚何容漫結納才士務進取浮躁鮮甄別見有門如
市羣趨相暎熱一旦冰山頽身敗名亦裂中郎入郿塢豈
計玉玷媿儀曹客王家用世心猛烈託附得長松弱植亦
高潔桃李非不妍攀援易摧折二人何昧昧曾勿問志節
辭藻豔芳葩趣操消春雪縱得柄用久名位已忝竊初謂
灼天焰餘光照不滅詎意一爝火竟鑠錚錚鐵輕肥彈指
頃不如恆冰蘗文采弗庇身垢膩終難刷令人長恨歎唾
壺幾擊缺爲語多才人握瑜勿自喪

逸爾我寥廓潛鱗藏深淵水暝高風利飛躍各遷延釣弋
亂海宇棲遯甘靜便趙氏南徙後邪佞勢遞專降幡一日
出野多守義賢長溪謝諮議晞髮投林泉語水衛居士行
潔比白蓮豈無開濟念分定不容權冰雪嚴寒後景象非
猶前凡卉趨新豔松筠獨超然移垵知君尊分衙識王先
況負氣丈夫屋社忘其天不見陶栗里只紀甲子年寄情
酒盞底酣暢壯心鑄曠世而相感事異節同全息影疑肥
遯孤懷誰與宣陸沈古不乏箕山潁水邊大器挈以授棄
之如腥羶遭際昌明會經綸不與焉富渚垂釣叟千載可
比肩欲概忠貞士風格尙相懸太息終南高何爲捷徑緣
云云爭藉口且覓買山錢

有勞情易伐無競量始寬儒臣不多覲况乃尙桓桓卓哉

馮公孫奮翼漢鼎安屏坐大樹下宏功置若刊武惠下江
南摧亡同轉丸囊中書數卷終不計好官金酋南牧馬力
戰錦袍丹角巾歸私第爭說勤王韓歷觀古將帥身名無
兩完欒彭致殖醢王杜開燮端矜情兼驕色顛蹶空長歎
三君明且哲茂績等閒看不欲多上人冲襟良獨難寵祿
日以遠悔吝無能干後事追莫及先幾在急湍嗟彼冒昧
子名利滿胸蟠濡滯勿忍決蠶蠶卽我鑽超絕五湖叟一
懼老煙灘

紛華伐我性甯淡味無窮寓言游方外明哲保其躬子房
心爲韓願不及侯封賊項莫劉祚長辭隨赤松梅尉嘗市
隱遠蹈碧海中終身不復見補陀留遺蹤五季希夷叟卧
穩華山峯騎驢閒笑語奕代挹清風皆有託而逃求仙非

初衷攝生甘幽寂草堂有月
世跡不謬趣向將無同
羣倫如鴟鳶腐鼠愛到隴聞有高世志便疑脫塵叢思彼
亦人耳詎能老還童獨懷冰雪意不受氛垢蒙超然浮雲
外何異翔太空恆情好神怪附會類齊東長生有妙理只
看狎鷗翁亂離善養晦經濟不居功一朝去火宅隨在是
天宮熊經鳥仲輩何日得方瞳

左世瑞蒙化人世襲土知府

春日宿三聖庵

古寺隱深林輕煙帶遠岑花枝含酒態柳葉繫春心車馬
紛紛集塵埃智不侵榆關明早陟滄磬送餘音

晚晴縵詩匯卷六十二終